



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

8. Mysteria Rosarij.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

PARS OCTAVA.

Mysteria Rosarij.

QUæ fuerit Rosarij institutio, quæ approbatio, quæ eius institutione consecuta utilitas, supra diximus. Hoc tantum breuiter in præsentia. Rosarium apud Catholicos aliud nihil est, quàm sèrũ quoddam spirituale, mysticis vocibus ex Euangelio depromptis, tanquàm rosis contextum, quod virgini virginum, Dei matri offerimus. Serta enim virginũ capitibus ornandis propriè adhibentur. Rosarium autem cõstat oratione dominica quinquies, & salutatione Angelica 50. repetita; vnde Rosariũ tertiò dictum efficit numerũ 150. in salutatione, qui est numerus Psalmorum Dauidicorum, à quo numero vocarunt trinum illud Rosarium, psalterium beatæ Virginis. Quinquies in Rosario orationem dominicam repetimus, vt quinque vulnerum Christi memoriam refricemus. Salutationem verò Angelicam cuique Orationi decies subiicimus, vt in mentem nobis veniat 10. Dei mandatorum. Eandem 50. toto Rosario iteramus, vt plenam peccatorum remissionem, quæ quinquagenario numero Iubilæi in Scripturis sanctis significatur, intercessione beatæ Virg.

Virg. per merita dominicæ passionis consequamur.

Porro vt mens Orantis, cui difficile videtur, & tædiosum, ad eadem verba toties repetita attendere, fructu suo non careat, piè ordinatum est, vt quodlibet Rosarium quinque mysteriis perficeretur, quibus meditando, dum os verba proferret, mens occuparetur.

Primo Rosario assignata sunt quinque gaudia Sanctissimæ matris; quinque decedibus accommodata: quibus illa ex his, quæ circa Christi naturam humanam contigerunt, affecta fuit: Nimirum ista.

1. *Annunciatio dominicæ Incarnationis.*
2. *Visitatio Elizabethæ.* 3. *Natiuitas Christi.* 4. *Oblatio Christi in tēplo.* 5. *Inuentio pueri Iesu inter Doctores.*

In secundo Rosario memoria fit quinque Mysteriorum passionis Christi, quæ sunt:

1. *Oratio, & captiuitas Domini in horto.*
2. *Flagellatio.* 3. *Coronatio.* 4. *Baiulatio Crucis.* 5. *Crucifixio.*

In tertio Rosario proponuntur quinque mysteria gloriosa post Christi Domini mortem, nimirum:

1. *Resurrectio Domini.* 2. *Ascensio eius in celos.*

caelos. 3. Aduentus Spiritus sancti in Mariam & discipulos. 4. Assumptio B. Virginis. 5. Coronatio eiusdem.

Ex quibus patet multiplex Rosarij vsus & fructus: quo scilicet renouatur memoria omnium mysteriorum vitæ Christi, & B. Virginis, capitumque præcipuorum fidei. Quod sanè compendium eo est apud omnes vtilius, quo latius patet eius vsus quàm librorum; legi enim potest etiam à literarū imperitis, à cæcis, in equis, & in curribus, & in tenebris densissimis. Nunquàm verò omittenda sunt mysteria, circa quæ intelligentia & memoria occupentur, etsi initio aliquid videatur habere difficultatis, eorum ita semper meminisse. Paucorum dierum vsus rem totam facillimam reddet. Simplex certè, & ieiuna decadem decursio est, & obnoxia multis distractionibus, parùm consolationis, multum verò tædij habet, nisi vnà in decadibus singulis mysterium aliquod euoluas. Si enim mysteria ea omiseris, priuas te saluberrima, suauissima, Deoque & parenti eius gratissima recordatione diuinissimorum vitæ Christi & Mariæ, salutisque omnium nostræ mysteriorum.